

堯山堂外紀卷九十六

晉陵蔣仲舒編

國朝

肅皇帝

獻皇帝在興邸雅重文士有朝者輒令見帝毛御史伯温朝時亦獲見帝毛以

手撫弄帝首與額且曰貌相良雅秀時帝

年十一退屏後憤然不平此正位嘗以問

內侍曰何御史大如此或對曰彼以代巡

為職故當時敢為傲肆上然之因是漸以

裁抑御史為

念後益嚴云

正德駕崩大學士毛澄迎肅皇帝駕至藁城過橋

偶爾橋崩有碑出焉碑文曰橋崩天子過碑出
狀元來毛乃弘治癸丑狀元也

肅皇帝後承天有謠曰飛上一條龍留下八隻虎
天下皆快活安陸獨受苦八虎謂千戶翟裕輩
皆京師人隨獻皇至興國泊上正位後以潛邸
恩擢千戶無衛仍在承天頗縱肆故有八虎謠
後乞列衛承天衛朝命移錦衣始失望
孝廟升遐武宗以正德改元出於劉少師健所定

蓋妃前文馬端肅公在吏部考選以宰相須用
讀書人命題諷之肅皇帝入繼紀元內閣初擬
明良次嘉靖次紹治上特用嘉靖云一日命翰
林賦嘉靖二字徐階應制曰士本原來大丈夫
口稱萬歲與山呼一橫直過乾坤大兩豎斜飛
社稷扶加官加祿加爵位立綱立紀立皇圖主
人自有千秋福月正當天照五湖上大悅
嘉靖庚寅間四郊並建一時工部司官督工者以

營建功類陞太僕少卿順天府丞等官又有不能得者有為急就語以紀其事者云馬前隻馬後方腰間黃立堂傍管工郎郎不郎堂不堂其時有以工部營繕郎中陞少卿乃管司事者是以云然

或取嘉靖初元大臣名為詩云穆穆文孫交景運端居喬宇撫清時絲綸遙起山林後化雨重陶琰琬資韶樂揚庭和舜呂溪毛澄水薦先師功

如墮費宏謨遠壽比錢彭澤慶垂共說天王守仁義萬年磐石瑤圖維

嘉靖乙巳年間 上一日召大學士嚴嵩吏部尚

書熊浹至西苑嵩浹黎明赴召至未初始得入

上謂嵩浹曰朕偶得一對句曰閣老心高高似閣可對之嵩浹聞命皆惶悚伏地不敢仰視

上曰若不能對朕代為對曰天官瞻大天如天乃的對也嵩浹惶悚益甚伏不能起 上曰

朕偶以此相試何意焉笑而遣之甫二日即有
復召夏閣老言之旨

世廟又一日出一對云洛水靈龜獻瑞天數五地
數五五五還歸二十五數數定元始天尊一誠
有感或對曰丹山彩鳳呈祥雌聲六雄聲六六
六總成三百六聲聲祝嘉靖皇帝萬壽無疆
上大喜賞賚甚厚元始天尊乃上龍潛時所
祝禧之神及御極建元祐宮頗極尊崇所謂誠

感也

嘉靖辛亥間有無名子揭詩於都市曰侍郎一載
擢天官獵等超陞固有緣屬下晚生門簿寫部
前嚴示衆人看曾嗔厨役捶三十為謝當塗偕
八千反覆小人逢敵手始援終陷勢應然

嘉靖間有進士作令楚邑為詩自嘲曰巴陵知縣
是區區三甲元來不讀書忙裏偷閒淘冷飯開
中取靜嚼乾魚縣丞主簿皆僚友通判推官也

上司寄與榜中京宦者巴陵知縣是區區甲榜
作邑者多稱以自慰其人後官至按察使云

嘉靖初駙馬鄔公景和尚永福公主選時例教養

於禮曹毛宗伯澄方視篆嘗課以對句御溝水

泮聞流水鄔即應聲云金屋春殘見落花方暮

歲公主下世蓋其識云

世廟宮人張氏恃貌不肯阿順匿閉無寵早卒殮
於宮後宮制凡殮者必索其身畔得羅巾有詩

以聞於上上傷之以宮監不早聞杖殺數人詩

曰悶倚雕欄強笑歌嬌姿無力怯宮羅欲將舊

恨題紅葉只恐新愁上翠蛾雨過玉堦天色淨

風吹金鎖夜涼多從來不識君王面棄置無情

柰若何南寧伯毛舜臣在南京留守時宮被命

詠年久剝落不可盡識其一署云媚蘭仙子書

末二句猶存云寒氣逼人眠不汗鐘聲催月下

斜廊字畫婉麗辭意凄然雖不免

嚴取舊句而風神月思亦足想見

蔣冕

年十四舉廣西鄉試第一入冑監時立
文莊為祭酒雅愛蔣共同卧起人頗諫

之

蔣閣老冕歷仕三朝始告歸田里世廟慕其賢使
使三聘之不至睿制詩一闕頌云聞說江南一
老牛徵書聘下已三秋主入有甚相虧汝幾度
加鞭不轉頭冕稽首俯伏以對詩云老牛用力
已多年頷破皮穿只愛眠犁耙已休春雨足主
人何用苦加鞭終不就

張亨敬

初名璵號蘿峰辛巳進士以議興獻
禮稱旨遂致柄用免相至三既歸尤

冀起用已而得半身不遂疾漸入言蘿峰
至此一身兩屬以其望環召為半屬朝廷
患痿痺為半屬地
獄張竟以是疾死

張蘿峰之困禮闈將謁選于銓曹會稽蕭靜菴素
以台輔期之力沮不從復危言動之曰若必欲
就取它日僉事等官皆能杖汝長髯掃地矣爾
時得無悔乎於是乃止三年復入試試畢題詩
于簾舍曰月色團團照舉場河光片片落天章
風雲交會人初散星斗芒寒夜未央敢向人心

論用舍直于吾道。下行藏。至公堂上焚香。在吾力猶能繫紀綱。是年遂登第。其詩今刻于至公堂後之壁云。

嘉靖初大禮之議。張氏為是。楊氏為非。其說詳明。倫大典。張文忠公應召過桐江。題子陵祠堂有云。先生挺高節。可為百世師。茲余赴三召。載拜先生祠。君臣有大義。行藏復何疑。此心不自昧。獨有明主知。光武本中興。尊親固有宜。如何考

元帝終未明。天曩先生烟水志。其憾能無遺。詩譏光武不合考。元帝而子陵不合。校正也。文忠公晰理精深。故其論入審覈。穩確如此。

嘉靖壬辰。北直隸提學御史胡明善待士慘刻。庠序甚怨。以私取房山所窠石為碑。事發擬侵盜園林樹木。以石窠遮皇陵。故也是年七月間。彗星見東井。自辛卯至是已三見。有旨令大臣自陳張少傅。享敬遂致仕。有為句以紀其事者云。

石取西山胡明善歿後地起星行東井張亨敬
衲自天來又曰基索掃除無駐足石碑壓倒不
番身

嘉靖癸巳四月世廟演馬南城有玉麟驪白玉馴
碧玉驕照夜壁銀河練瑤池駿飛雲白皆天閑
選乘也因召大學士張亨敬李時方獻夫翟鑾
同遊環碧殿嘉樂館錫宴重華殿賜亨敬蟒服
時等飛魚服上賦律詩二首紀之群臣應制奉

和張亨敬詩云傳宣萬乘御重華。得賜同遊即
賜茶。環碧殿前先看馬。蒼龍門外更觀花。君臣
自古原同體。海宇于今總一家。錫宴從容還錫
服。聖恩莫報實無涯。李時詩云聖王御極萬方
安。試馬宸遊愜衆懽。內苑草茵迎玉輦。行宮花
氣襲雕鞍。薰風拂拂當朱夏。翠藹蔥蔥映紫巒。
千載明良真不偶。流傳青史後人看。方獻夫詩
云御林初夏晴明日。天子乘龍喜色多。共訝飛

雲擎白玉。渾看匹練下銀河。同遊環碧臣何幸。
賜對重華語更和。應制慚無天馬賦。南薰惟誦
舜廷歌。翟鑾詩云宸遊內苑御飛龍。盡是神駒
渥產雄。巧翦緋羅纏寶鏡。分題玉篆佩花駮。三
千駿內名稱貴。十二閑中品料崇。從此受恩何
以報。願將赭汗從長風。又云選得龍媒新賜名。
習從環碧殿頭行。草茵似錦蹄過軟。宮路如絃
踏去平。立向天墀應自慶。穿將仙仗絕無驚。微

臣得侍瑤池上。願播聲詩頌聖明。

嘉靖間鑾二子登第時謂

一鑾當道雙鳳齊鳴肅皇內批曰變在朕左右
二子才如軾轍亦不當並中鑾并二子俱削籍

桂萼

謚文襄

雲南傳巡撫習于桂少保萼為同鄉在滇時令一
僕以金石二確通於桂標題曰黃雀銀魚桂受
而語僕曰語爾主此處來不得南京去罷踰月
遂擢南京大理寺卿行至鎮遠而亡士有紀以
一絕曰黃雀銀魚各一嬰長安陌上肆公行若

教冢宰持公道安深南京大理卿

方猷夫

廣東有西樵山方因號焉

方猷夫賜告里居遂以廣田益宅為務有緇廬地
勝屋多方因規為已業假官府法驅逐僧釋一
空主僧有識曉詩瀕行大書一律於壁曰慌忙
收拾舊架裝點檢行囊沒一吹袖拂白雲歸洞
口擔挑明月到天涯可憐松頂新巢鶴孤負籬
邊舊種花分付犬猫隨我去莫教流落俗人家

霍尚書韜亦嘗取寺基為宅浼縣令逐僧去
書于薛云學士家移和尚寺會元妻卧老僧床
霍愧而止方猷夫湛若水家居時邑有娑婦
多贊有色欲改適方湛皆欲納為妾而菟委禽
婦曰吾將自擇所歸方湛乃各放舟道湖婦潛
觀之語媒曰吾欲適方以方雖曜年則少方遂
納之湛亦小有言湛語人每以隨處體認天理
為要居鄉時凡山川佳勝田庄膏腴者假以建
書院置學田為名必得之為自殖計皆資勢于
門生官其地者經營鄉人嘗曰此甘泉隨處體
認天理也

夏言

謚文愍少時父鼎為臨清知州待父宦
邱雅意漁色嘗潛延娼宿邸中為諸無
賴所執賄以數百金始免娼有一媿玉者
尤夏所昵後夏以議四郊禮驟擢部佐時

猶屢寓書州人王姓者俾致為妾則娼已
久家歎商而南矣王嘗集夏顯晦劉為冊
耀入此書亦在內
因得聞于見者

嘉靖庚寅間夏公言為兵科都給事中以議郊禮
加翰林院學士掌科事又服四品服色許公誥
指其事為對曰七品衙門五品官四品服色以
學士五品給事中七品也竟無人能對

嘉靖壬辰天下選貢之士就教職試禮部者一百
入是日兩尚書夏言為詩一律云涼雨堦前老

鶴鳴廣堂長日試諸生。秋風桂闕飛騰意。春水
魚龍變化情。須信朱衣能指點。未論藻鑿盡分
明。聖朝雅重師儒職。莫使蘇湖獨擅名。侍郎顧
彛臣。懋若水吏部尚書汪鋐和馬夏公命諸生
皆和諸生各一詩。進公諭曰子輩雖以貢來實
無異於科甲。故吾詩中秋風桂闕飛騰意。春水
魚龍變化情。道其實也。子輩勉之。蓋自禮部考
試以來未有以詩慰勉諸生者。諸生亦未有人

人能和者今日亦一奇事盍相與傳之名曰南

宮試士倡和錄夏言在禮部時內閣惟李時一

人夏曰久望入閣脩九廟甌甌

甌甌不堪者皆運積東長安街側多為有力者

潛取用李時偶與郭武定郭言甌甌類舊皆滿

目今何其零落郭笑曰孰敢竊皆夏宗伯擬去

禮部躡以望內閣耳言雖戲實得夏心是年冬

夏遂

八閣

李時嘗以臘鷄獨擅江南味戲夏言夏即應以響

馬能空冀此群人嘲江西以臘鷄畿輔以響馬

以二公各指所籍為戲

嘉靖戊戌間江行人鯤以進士授素有心疾憂貧

雖經王御史弘道以小事拂意自剄夏公言即

事為對曰自經溝瀆其何以行之哉執其鸞刀

不可以入道也人以為警切不踰十年夏又身

首異處於都市世事不可料如此

嘉靖戊申間夏公言以議套致大辟士為桂洲行

吊之曰大江之西神物多有洲寄在廣陵阿八

月桂花發奇種望中鬱鬱還莪莪繫艇登岍窮

勝槩樵渚漁磯互款乃。負手行吟前致辭。笑入
竹叢殊賴噫。老翁顧予指點云。此地名卿胡不
聞。當年貴幸固無匹。于今久廢成荒瀆。天子欲
正四郊禮。特遣近臣宣上意。公時秩主講禮官。
倉皇奏入輒稱旨。神機中外窺莫由。雲龍風虎
渠能投。一歲九遷未為晚。身緋腰玉如公侯。詔
許治第東華陌。飛樓高插青雲拍。洞房冥窅藏
麗人。廣庭虛靚延詞客。有時休沐出承明。盡筵

列炬排簪纓。翠盤玉袖凌波舞。明眸皓齒蹋歌
行。東方未明趨大禁。中貴傳宣侍休問。從容賜
饌大庖羞。咫尺龍顏日親近。萬幾清暇茂對時。
君臣同遊樂可知。三春沂水鶯花曲。五月重華
御作詩。元首股肱心膂共。盍梅舟楫相資重。文
明遠邁夏商周。治効何云漢唐宋。司扇承望風
旨嚴。芳洲新桂誰敢拈。每遇中秋時序至。香雲
千頃飄瀛織。樂極生悲泰生苦。河湟議起邊臣

死甲第南消桂嶺雲繁華東咽石塘水藪孳駢
首就芟屠桂林從此亦蕭疎夜月聯躡聚鳧雁
秋風日夕訝樵漁言竟飄然鼓柁去覺悟浮生
如寄語欲往從之盡古今白蘋滿地無尋處桂
洲乃公別號

嘉靖己酉間有貼飛語輔臣門曰夏桂洲夏桂洲
不識羞天晴不肯走只待雨淋頭嚴介溪嚴介
溪損他人安自己善惡到頭終有報只爭來早

與來遲

夏言魯鏡皆不得其死及咸寧侯仇鸞
疾篤親見二公守之乃于牀上稽首謝

罪對妻子名言之
竟以疽發肯死

嚴嵩

字維中號介
溪分宜人

嚴嵩十二歲游郡庠有提學為句曰玉闕千里鄉
心一片兩絲絲嚴曰金闕九重聖壽萬年春蕩
蕩識者以為有宰輔氣

弘治乙丑潯州張涇川

灤為受卷官見嚴嵩制策

驚人擊節稱賞既而不得預一甲之選為之扼

腕太息後嵩以編修使粵過全濠贈以詩曰回
首玉堂天上遊。驚看玉樹過南州。登科豈必傳
三唱。受卷曾知讓一籌。館閣栽培他日地。文章
經濟古人流。湘山夜雨皇華驛。傾倒能令老病
瘳。嵩訓詩曰。曾隨玉署瞻先達。愧謁龍門已後
時。往事殷勤勞晤語。非才流落負心知。湘山夜
雨留觴久。灘浦春波放棹遲。別後雙魚難定覓。
但吟佳句一相思。

楊少師晚號石齋嚴介溪為賦云。自管愛此石齋
居。因得名。省身成砥礪。北德象堅貞。色染雲峴
古。陰留竹柏清。補天功已鉅。障海力猶就。瑞擬
川珍貢。高看國柱擎。巋嶕方紀頌。漱渚詎關情。
願以如磐固。千秋奉聖明。

國初故事。立春日京兆役民。以鼓笛管歌。沿門報
春。嚴介溪有詩曰。舊都遺俗是昇平。又聽盈門
鼓吹聲。柏酒競傳知臘味。土牛初獻識春耕。萬

家梅柳開煙市。雙闕星河隱鳳城。萍海客遊今
老大。自慙癯質玷華纓。

胡孝思

續宗

自號可泉嚴介溪題云秦安卦山北
相傳有異泉。胡公讀書處。釣月弄潺湲。漱玉雲
根淨。牽蘿雪瀑懸。夜絃翻雅調。春甕瀉芳涓。江
海覃餘澤。山林結靜緣。鑑澄心比瑩。膏潤暘同
燭。地以高賢勝。圖將美蹟傳。次山文筆健。巖石
幾銘鐫。

汝楫狀元及第嚴介溪贈以詩曰榜書華蓋徹
明開第一仙人得上才。三月韶光融禁苑。九天
嘉氣擁樓臺。文成盡說蟠胸錦。臚唱初驚透殿
雷。此日重闡占喜信。泥金借問幾時迴。

胡續宗

字孝思
天水人

胡孝思嘗為蘇郡守。才敏風流。前後罕儷。公暇多
游行湖山園亭間。從諸名士一觴一詠。題墨淋
漓。遍於壁石。後遷御史中丞。撫河南。肅帝幸楚

為一律紀事云聞道鑾輿曉渡河。嶽雲縹緲護晴珂。千官玉帛嵩呼盛。萬國衣冠禹貢多。鎖鑰北門留統制。璿璣南極扈羲和。穆天八駿空飛電。湘竹英皇淚不磨。刻之石後以他事坐罷家居者數載矣。嘗朴一貪令王。聯其人為戶部主事。以不識免殺人下獄。當死乃指穆天湘竹為怨望。呪詛而所繇成獄。及生平睡眊皆指為孝思。奸黨奏之上大怒。悉捕下獄。欲論死。分宜相

陶真人力救解久之乃罷免。猶摘杖孝思三十當是時孝思將八十矣。了不怖懾。取錦衣獄中柱械之類八曰制獄八景為詩紀之。衆爭咎孝思掣其筆曰君正坐詩至此耳尚何吾伊為孝思澹然咏不輟曰坐詩當死今不作詩得免死耶。出獄時謝茂秦貽之詩有云白首全生逢聖主。青山何意見騷人。孝思方病杖創甚呻吟聞猶口占韻以謝人謂孝思意氣差勝蘇長公才

不及耳孝思守吳日於諸生最好黃勉之王履吉袁永之而不能知陸浚明黃玉俱不振以死而永之領解甲第臚傳浚明再魁省會試館選第一為給事中主試浙江時孝思以左叅政與鹿鳴宴頗遭譏訕人而不與也

任即舒芬榜進士

嘉靖間任佃以御史謫江陵知縣或有公移與隣縣知縣輒稱即將某人如何某事如何隣縣知縣不堪因署其公移尾答之曰即將即將又即將即將二字好難當寄與江陵任大尹如今不

是繡衣郎任見之嘿然聞者為解頰

徐如珪

徐侍郎如珪謫出復以遷廷評入不欲忘舊街投臺中刺曰臺末於他刺曰臺駁又有太常少卿白若珪性謙下投諸權貴人刺曰眇眇小學生一好事者作詈云臺末臺駁眇眇小學同是一珪徐如白若聞者絕倒

嚴訥

嚴相君訥蘇人面麻高相君拱河南人作文常用
腹藁俚語誚蘇人曰鹽豆兒誚河南人曰驢二
公相遇高笑嚴曰公豆在面上嚴即應聲曰公
草在腹中一時捧腹

張居正

字叔大號太岳江陵人萬曆間官少師

張太岳舟泊漢江望黃鶴樓賦詩曰楓霜蘆雪淨
江煙錦石遊鱗清可憐賈客帆檣雲裏見仙人
樓閣鏡中懸九秋槎影橫清漢一笛梅花落遠

天無限滄洲漁父意夜深高詠獨鳴舷

萬曆丁丑張太岳子嗣修榜眼及第庚辰懋修復
登鼎元有無名子揭口占於朝門曰狀元榜眼
姓俱張未必文星照楚邦若是相公堅不去六
郎還作探花郎後俱削籍故當時語曰丁丑無
眼庚辰無頭

李言恭

字惟寅號秀巖泗州人隆萬間臨淮侯

李月渠僉憲招臨淮侯飲黃鶴樓臨淮有詩曰勝

地慚非作賦才。青尊今向大江開。當年黃鶴雲
中。去。何。處。梅。花。笛。裏。來。風。捲。潮。聲。喧。島。嶼。日。斜。
帆。影。上。樓。臺。相。逢。俱。是。它。鄉。客。休。問。湘。陵。杜。宇。
哀。

李臨淮再過京山縣觀音崖留詩云車塵千里楚
江西。今。得。高。山。且。暫。栖。湖。海。幾。年。違。故。國。春。風。
兩。度。入。招。提。飛。泉。常。傍。懸。崖。落。野。鳥。獨。藏。溪。樹。
啼。為。覓。老。僧。談。四。諦。半。樓。煙。月。暮。雲。低。

堯山堂外紀卷九十六終